

آبونه شرائطی : هر بر ایچون
سنه لکی (۴۰۰) آلتی ایلمی
(۲۲۵) ممالک اجنیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷,۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیلر احاده اولنماز .

والله یهدی من یشاء الی صراط مستقیم

کتابخانه

۱۳۳۰

صاحب و مدیر
اشرف ادیب

باش محرر
محمد ماکف

آدره سی تبدیلنده آیریجه
غروش کوندرملیدر .

مکتوبلرک امضاری واضح
واوقوناقلی اولمی و آبونه
صره نومروسنی محتوی
بولومغسی لازمدر

ممالک اجنیه ایچون آبونه
اولانلرک آدرسلرینک
فرانسزجه یازلمسی رجا اولنور .

پاره کوندرلدیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

استرحامنامه

استانبول مدرسینی نامنه بیوک ملک مجلسی ریاستی ایله باش وکالت کوندریان
هریضه صورتیدر :

مدارسک الفاسق اوزرینه دارالفنونده تاسیسی مقرر اولان الهیات
فاکولته سنک پروگرامنی تنظیمده اختصاص و علاقه دارلقرینه بناء
ترتیب ایدیلوب نظر دفته آلتیمی رجاسیله مقدمامدرسه سلیمانیه مدرسینی
طرفدن معارف وکالتنه کوندریلان اسباب موجب لی پروگرام، بوخصوص
ایچون اقربه عزیزیت وعودت ایدن دارالفنون امینک جرائد یومیه ده
انتشار ایدن بیاناتندن آ کلاشدینی اوزره مظهر اعتبار اوله مامشدر.
بیانات مذ کوریه نظراً تاسیس ایدیلجهک اولان فاکولته ده کلام، فقه،
واصول فقه کی دین اسلامی تلقین مقصدیله سیستم حاله قوبان علوم
عالیه دینه تدریس ایدیلجهک بشقه اقوام و ادواره عاند آتیقه آنارک
اجنیلر طرفدن تدقیق کی یالکز دینیاک مأخذ و تواریحیله اشتغال
ایدیلجهک ولسان عربیله اولان بو مأخذلردن برشی استمزاج ایده بیلیمک
ایچون الهیات طلبه سی اونبرسنه لک برلیسه تحصیلنی ا کال ایلده کدنصکره
اولا ادبیات فاکولته سنده برایی سنه لسان تحصیل ایده جک و الهیات
فاکولته سی ا کال دنصکره معلمک صلاحیتی احراز ایده بیلیمک ایچون
دارالمعلمین ده ده برمسلك تعلیمی کورمه ک مجبور اوله جقدر .

شبهه یوق که بوقدر آغرشرائط قارشینسنده لیسینی ا کال ایلده تحصیل
حالی آرزوسننده بولنه جق اولان طلبه طوغریدن طوغری به دیگر
فاکولته لری اختیار ایده جک و الهیات فاکولته سنه کیرمکی هان خاطرندن
بیله کچیریمه جکدر . بووجهله مملکتده علوم دینه نک تدریس و نشرندن
مسئولیت موقعنده بولنان علمای دین بیچاره لری ملت و تاریخ نظرنده
ایم بر وضعیت مشکله به دوشدکری نی تمسایله مدرک بولندقلرینی پیش
اطلاعلرینه عرض و ابلاغ ایلمکی بروجیه عد ایدرلر . فقط خریستیانلق
و یهودیلکک سربستجه نشر و تلقین ایدیلکی و دینک دین اسلام اولدینی
تشکیلات اساسیه قانوننده تصریح اولدینی بر اسلام مملکتده علوم
اسلامیه نک عالی بر صورتده نشر و تدریس ایدیلجهک چی هیچ بر
حوصله نک قبول ایتمه جکنده اصلا ترده محل بوقدر . اکر طرز حکومتده
اتخاذ ایدیلان برنسب بوکامانع عداولتیورسه او حالده بو پرسیده تمامیه
صادق قالمق ایچون دارالفنونده الهیات فاکولته سی تاسیسندن صرف
نظر ایدیک و فقط مملکتک اکثریتی تشکیل ایدن اهالی اسلامیه نک ده
علوم دینه ده کی بتون آرزو و احتیاجلرینی تطمین ایلمک ایچون کندیلرینی
فرانسه ده اولدینی کی حکومت تشکیلاتی خارجنده سربست برامق لازم
کله جکدر . سربستی وجدان اساسی ده بونی مقتضیدر . طبیعی بو صورتده
حکومت کندیلرینه مراجعت ایدنلری شرائط لازمه به تابع طوتاره .

بوتون بومطالعاندن استمزاج ایتمک ایسته دیکمز نتیجه شودر :
ضرب دارالفنونلرنده اولدینی کی تاسیس ایدیلجهک الهیات فاکولته
سنده علوم عالیه دینه نک تماماً تدریسی و طلبه نک بوکالیسه لرده احضاری،
ویا خود علوم دینه تدریساتنک سربستی نامی .

شوان تاریخیده کی مسئولیتنک، معروضاتنک اسعافی رجاسیله واقع
اولان مراجعتن سببیه بر درجه به قدر تخفف ایده جکی امیدیه متبلی
اولمقلغمزه و بوندن طولای ده معذور طوتولمقلغمزه، بونکله برابر
مصلحتک انفاذی منوطر ای طالبلری بولندیقنی ده در خاطر ایدر مملکتکمز
مساعده بیورلمسنی استرحامه مسارعت ایلرز اقدم حضرتلری .

الهیات فاکولته سنه دائر

آقره غزته لرنده یکی تشکیل ایدیلکده اولان الهیات فاکولته سی حقتده
تحف مطالعاتی محتوی بر مقاله انتشار ایتمی اوزرینه محمد علی عینی بک افندی نک
ینه آقره غزته لرنده قیبتلی بر جوابی نشر اولوغشدر . اهمیتنه مبنی عیناً
نقل ایدیورز :

« م . ن . بک افندی به

« یکی کون » ک ۳۰ مارت تاریخلی نسخه سنده بنده کزه خطاباً
یازدیغکنز مقاله یی اوقودم . « بز صباح ایسته یورز » بو یورولمش . عجباً
بونی ایسته مین بر فردا قیل تصور اولنه بیلیرمی؟ چونکه وقتیه انسانلرک
اک جوق قورقدقلری شی قارا کلقدی، شیمدی ده ینه اودر . اونک
ایچون بزده ایسته یورز که هیچ قارا کلک اولماسون . حقیقی بر ایدینلق
بزه نجات یولنی کوسترسین، بوسببیه بنده کزه بومقاله می یازمغه وسیله
ویرمش اولدیغکنز ایچون تشکر ایدرم . بو سایه ده بعض قارا کلک
نقطه لرک تنور ایتمی ملحوظدر .

اولا : « علمک شیمدی کی تلقینسنه کوره بر الهیات فاکولته سی
ایچون مثبت علملر غروبی بوقدر » بو یورولمش . کاشکی ، علمک
او یولده تلقینی هانکی مملکتک نقطه نظری اولدینی تصریح ایتمه
ایدیکنر! بونکله برابر ، بیلورز که علمک اولدینی بوزیتویست عالملرک
ملاحظه سیدر . فقط مثبت علملرک معروض اولدینی تنقیداتی بو ائشاده
تخطر بو یورمش اولسه یدیکنر؛ او حکمی اوقدر چابوق ویرمز دیکنر .
مساعده ایدرسه کنز بو تنقیدلری شورایه تلخیص ایده می . اولاً ، طبیعی
بیلورسکنر که بر شینک متعقل اولایلمسکنک شرط یکانه سی کندی
ذاتک عینی اولماسیدر . بالجه قضایانک صحی اولان بو (مایعقلیت)
علم چیز لسانیه افاده سی : $۱ = ۱$ دستورندن عبارتدر . آنجق
منطق، ریاضیات، میخانیک، فیزیک و کیمیا ده تطبیق ایتمکده اولدیغمز
بو دستوری (حیاتیات) ده تماماً تطبیق ایده میورز . زیرا حادثات